

To:ornela.liperi@monitor.al;

Kthim përgjigje Nr. 150

Përshëndetje!

Në përgjigje të kërkesës tuaj dërguar elektronikisht në adresën e Zyrës së Shtypit të Drejtorisë së Përgjithshme të Tatimeve, në kuadër të Ligjit 119/2014 datë 18.09.2014 “Për të drejtën e informimit”, regjistruar me nr. 150 në regjistrin e Kërkesave dhe Përgjigjeve, pas shqyrtimit të kërkesës, e cila ishte në përputhje me nenin 11 të ligjit të sipërcituar, ju informojmë si më poshtë vijon:

Në ndihmë të tatimpaguesve të prekur nga termeti janë miratuar një sërë aktetsh ligjore dhe nënligjore cituar si më poshtë, gjithashtu janë në shqyrtim edhe inisiativa të tjera ligjore për këtë kategori tatimpaguesish.

1. Akt normativ, nr. 4, datë 30.11.2019 për disa shtesa dhe ndryshime në ligjin nr. 92/2014, “Për Tatimin mbi Vlerën e Shtuar në Republikën e Shqipërisë”, të ndryshuar.
2. Akt normativ, nr.5, datë 30.11.2019, për një shtesë në ligjin nr.8438, datë 28.12.1998, “Për Tatimin mbi Të Ardhurat”, të ndryshuar.
3. Akt normativ, nr. 6, datë 30.11.2019, për dhurimin e apartamenteve familjarëve të viktimave, si pasojë e tërmetit të datës 26.11.2019.
4. Ligj, nr. 74/2019, për miratimin e aktit normativ, me fuqinë e ligjit, nr. 3, datë 2.10.2019, të Këshillit të Ministrave, “Për disa shtesa në ligjin nr. 9632, datë 30.10.2006, “Për Sistemin e Taksave Vendore”, të ndryshuar.
5. Udhëzim, nr. 34, datë 5.12.2019, për një ndryshim në Udhëzimin nr. 6, datë 30.1.2015 “Për Tatimin mbi Vlerën e Shtuar në Republikën e Shqipërisë”, i ndryshuar.

Lidhur me evidentimin dhe dokumentimin e tërësisë së të dhënave të aktivitetit tregtar të çdo tatimpaguesi përfshirë evidentimin e dëmeve, prishjeve apo nxjerrjen jashtë përdorimit të mallrave apo produkteve apo deklarimin e përkohshëm të pezullimit të aktivitetit sqarojmë se, Administrata Tatimore në administrimin e taksave dhe tatimeve udhëhiqet nga parimi i nxitjes së permbushjes vullnetare dhe vetëdeklarimit të të dhënave të aktivitetit.

Çdo tatimpagues mbart detyrimin ligjor të vetëdeklarojë çdo të dhënë të lidhur me aktivitetin e tij, duke bërë me dije njëkohësisht edhe Administratën Tatimore. Në këto raste, të aplikueshme janë procedurat standarde të deklarimit të parashikuara nga legjislacioni tatimor në fuqi.

Faleminderit për mirekuptimin.

Pune te mbare
Hermelinda Hysenaj
Specialiste e Sektorit të Asistencës dhe Sherbimit
Drejtoria e Sherbimit ndaj Tatimpaguesve
DREJTORIA E PËRGJITHSHME E TATIMEVE
Tel Office : 04 2276 840
Web: www.tatime.gov.al